



ITLF BULLETIN

Issue No 35
04 November 2023

MEITEI COMMANDO OPERATION LEIIN MOREH A BUOI

Liemtah 31st October 2023 khan hmelhriet lo han Meitei Police Officer Chingtham Anand Kumar, SDPO an kap hlum le inzawmin Moreh ngirhmun nasa takin a nghawng anih. Meitei government in hi thil thlung hi remchang a la in Moreh le se vel a hai bouina an siem. Union Home Minister Amit Shah in Manipur a hung sir lai khan state force hai laksuok ding ti sien khawm vawisûn ni Chen hin a thuhiril ala suk puitling nawha, Meitei CM Biren Singh in remchang a la in Moreh lâk kîr na ding le Kuki-Zo nauhai suk rimsik na ding in a hmang anih.

Hi hma Chingphei a SI Onkhomang Haokip sniper in an kâp hlum lai khan Government in zângna dawmna dingin a sûnghai Lakh 10 pek in tiem sienkhawm tuchen hin sum iengkhawm an la hmu naw anih. Hieng Ani lai zing hin Biren in tulai hnai el a Meitei a thi pa rouk chu Rs 50 lakhs pêk dingin an tiem anih. Meitei le eini tlângmi hai loungman in thlau dân hmu thei in a um.

Meitei Police thattu zawngna in operation thaw nghâl ania, zingkar dar 11 velin Chikim khuo a Wall of remembrance dinga siema um m êk chu raw nghâl Ani a. Sit in protest a in thung nu hai Chu an hawlzâm baw anih. Meitei Commando han Moreh lâk tumin an fe malam in Sinam khuo a in 4 an raw a, car pahni le two wheelers pahni an raw hmang baw, chu zovah insûnga sum hâi an in rûk pêka, lekha pawimaw hai an lakpêk baw anih. Meitei Commando hai chet dân en in tuol thattu zawng ni lovin, Kuki_Zo hai chung kut thlâk nuom an nih ti a suk chieng hle a nih.

1st November 2023 zingkar in hmatak in Assam Rifle le thang khawm in Meitei Commando hân

Phaicham le Gamnom veng hai ah operation an thaw a mi iemanizat an man baw, Gamnom Village Authority chairman khawm an ina naupang in hnelna binoculars alo um leiin Mansa ve anih. Ruolbanlo Luncha Kipgen khawm an mansa anih. Darkar 12 a lien hnungah mana um hai hi in suo nâwk an nih tiin thu ei dawng.

Mita hmu tu hai (eye witnesses) hai hril dân chun Assam Rifle hân Meitei Commando hai hi Moreh ah an thoui lûta, operation an in thaw tir anih.

Tuta hma a ITLF hotuhan Home Minister Amit Shan an in hmu pui khan Meitei state sipai hai hi an khata an chet naw thu le Central forces hnoui ah sin an thaw ding anih ti thu hril sienkhawm tuta Moreh a thiltlung a inthawka chieng chu Meitei Commando hai chetdan/ en zui ani nawha, Home Minister a thutiem kha sukputling ani naw ti a chieng.

Operation nei na ah Meitei Commando hai in rang taka an chêt leiin , nu le nau le khawsunga pasal um thenkhat hai chu Ram hnoui ah an tlân lût reng a nih. Operation thaw hunah hin thoumhnaw tamtak suk siet ani a, pawisa le thoumhnaw man tam tak an in rûk pek.

Thawleni (Nov 2) khan nuhmei le naupang hai chu khawsûnga riek ngam lovin sipai camp toulah an riek tawp el a nih. Zânni (Nov 3) khan chu bouina taluo hriet ding a um nawh.



Tlangmi MLA 10 hân Moreh chungchang ah thusuok an siem

Thawleni (Nov 2) khan tlangmi MLA 10 han thusuok (joint statement) an siema, Tegnoupal a Zohnathlak hai Chungah Manipur Commando hai râwng taka an chêtina leiin na taka an dem thu an puong.

SDPO Anand Kumar thina chu a pawihle a, a that tu hai zawng na lama Meitei Commando hai in tlangmi in le lo tam tak an suksiet baka sum le pai an in rûk pêk a, mipui thlaphâng taka an siem chu an dik naw thu an tarlang.

Tlangmi hai um na hmunah Meitei Commando in lût tir an remti naw thu platform hrang hrang ah an hril taha , amiruokchu sawrkâr in an lût tir tho ti an tarlanga , an rang thei ang takin Kuki area inthawkin Meitei Commando hai hi la suoka Anni âi hin neutral force sie dingin Ministry of Home Affairs ah ngênna an thelût.

Zo United Mipui kuomah ngênna a siem

Zo United in Nilaini (Nov 1) khan executive emergency meeting a nei a, Tegnoupal District, a bîkin Moreh khawsûnga ei mi le sa harsatna tuortu tam tak hai ta dingin thanguina pêk rem a tih. Hi dungzui hin Zo United in tlawmngâi (Philanthropic) pâwl hai kuomah ngênna an siem a, Mahni hnam sîng senga Tegnoupal thanguina dingin thanguina dawla, Nov 5 a sung khawm dingin thusuok a siem. Hi dungzui hin tlawmngai pâwl han bawzui na an nei a, mani hnam sîng senga thu an insuo a nih.

Kuki Inpi Tegnoupal Amit Shah kuomah lekha a thawn

Zirtawpni (Nov 3) khan Kuki Inpi Tegnoupal (KIT) Media and Publicity in Union Home Minister Amit Shah kuomah lekha thawnin , Meitei Commando le Arrambai Tenggol in Moreh a Zohnathlâk hai chungah lainatna nei thak lova an chêtina chu a dem thu a hril.

Combing Operation nei naa mipui an suk thlabâr a , tângmi in, thoumhnaw le inlirthei hai an raw peka, sum le pai le ro hlu tak tak an in rûk pêk thu hai lekha hin a tarlang. Hieng anga in suksiet na a

tâwp theina dingin Separate Administration a tûl thu a hril bawk.

Lekhapawimaw raw

Social Media Viral video pakhat viral mêka, chu chun Meitei tlangvâl in tângmi inchûklai hai certificate tam tak a raw bawk. Ram a buoi tîr khan Meitei râl a hung lien leiin mi tam tak in iengkhawm la hman lovin an in le lo an tlânsan a, Lekha pawimaw tam tak - marksheets , certificates etc tam tak chu Meitei han an raw hmang pêk a ni kha.

Video a certificate raw tu hi zawngdaw Anni a , amahi Sintha Lourembam , Indigo Airlines a ground staff ni a hriet a nih. Ei Twitter Warriors han thang an lâka, Indigo khawm Twitter hmang in an hril a nih. Indigo chun alo suichieng hnungin hi company a hin a thawk ta nawh tiin thusuok an siem.

Certificate hi mimal ta (property) ni tho de sienkhawm sawrkâr ta khawm ani a, a pawitakzet a nih. Chun non-tribal in tribal documents a raw siet pek hi National Commission Scheduled Tribes kuomah ST le SC prevention of Atrocities act, 1989 hnouiah hêkna thelût nisien nuom a um khawp el. A thawtu chungah hin FIR khawm the lût nisien tha hlêng a tih.



ITLF Relief & Medical kuomah thanguina a lût

Frontline duty hai fak ding supply a thlaphangum têt taha, amiroukchu chungtieng a inthawka malsawmna leiin ITLF Relief & Medical kuomah thanguina iemanizat a hung lut.

Reformed Presbyterian Church (NEI) kuoma inthawkin dal 3 bags chi 3 bags, cooking oil 20 boxes, surf 1 bag, soya 15 boxes, mosquito net 45 pieces, rice 3 bags le sugar 2 bags. **Rural Women Upliftment Society (RWUS)** a inthawkin rice 25 bags. **Wesleyan Methodist Church of East India** an thawkin rice 12 bags. Chun, **Jayson Victor** a inthawkin blanket 270 hmu ani bawk.

Kârthara inthawkin frontline duty hai fâk ding bufai bag tam tak Alan dai naw leiin Relief & Medical Dept hotuhai lu an hai hle, thanguina zawngin kawtkhâr tamtak an kik mêk.



Meitei hai in silai an in rûk nâwk

Nilaini (Nov 1) zan dar ruk velin Meitei mi 700 vel silai châwi in Imphal a 1st MR an va lût chil a. DGP Pool Arm Kote le Unit Pool Arm Kote a silai si hai laksuok an tuma, Security forces le 7:45 pm vêt chen an in bei a, CRPF pathum an hliem.

Meitei hai hin silai tamtak - AK 47 , Insas, SLR, Tear gas gun le silaimu tamtak an in rûk dawk bawk. Chuelbâkah sipai motor Bolero pakhat le Gypsy paruk an in lâksa bawk a nih.

Shutdown le Rally nei

Ningani (Nov 2) khan Meitei Commando Moreh a an chêt dân dit naw inlangtirna le Meitei Commando hai tlângmi Rama a inthawka lâk dawk ding phutna in KSO-GHQ chun Zohnathlak hai umna district po po ah darkâr 48 sêng shutdown a poung. Hi shutdown hi students pâwl tum tum han an

thlawp thu an poung. Shutdown sêng hin bouina iengkhawm hriet ding a um nawh.

Zani (Nov 3) khan Kuki Women Organization for Human Rights keithuoina hnoui a “Mass Rally Against Gross Violation of Human Rights” tih thupui hmangin Leisang a in thawkin Peace Ground chen Rally nei a nih.



Frontline sir a nih

Thawleni (Oct 31)khan ITLF Defence/UTV keithuoina na in frontline hmun hnih- Mualngat le Laika - va sir a nih. Hitaka hin Delhi a inthawkin Pu Thanghnun le a roulnu Kim hân frontline duty hai vawksa an pêk bakah thlamuongna thu hai an va hril bawk a nih. Hotupa Thanghnun hai nupa chun an thuhiril na a ei ram venghimna dinga thanglatu volunteers hai, Khongak lal le mipui hai hmalâkna ropui an ti thu an hril. Mi tuel khawm ditsakna thilpêk pek vawng an nuom thu an hrila, amiroukchu nei in a tlin naw leiin an thaw thei sun tlawmte an sem a nih ti in an hril.

Mualngat le Laika khaw lal le mess manager hân hiengang thilpêk ropui tak an hmu leiin an lawmzie thu le a thlamoungthlak um thu an hril. Chun, UTV thoutuhan hieng ang thil pêk ropui thawpêktu chungah lawmthu an hrila , hmatieng pei a khawm mimal le pâwl dang khawmin an pek thei ani tiin an hril.



COMING SOON

IN PHOTO MATTE PAPER QUALITY

₹599
ONLY



#MANIPUR MAYHEM KEY PLAYERS & EVENTS

A BOOK BY INDIGENOUS TRIBAL LEADERS' FORUM (ITLF)

FEATURES

THE TRIBAL NARRATIVES - STORIES FROM VICTIMS - DAILY INCIDENT REPORTS
ARTICLES FROM GUEST WRITERS - POEMS - STATISTICS

UPDATED TILL 03 NOVEMBER 2023



146
CONFIRMED DEATHS



200
VILLAGES BURNED



7000+
HOUSES BURNED



360
CHURCHES BURNED



41425
DISPLACED PERSONS



204
RELIEF CAMPS

RELIEF SUPPORT

Office: ITLF Secretariat, Hiangtam Lamka

Contacts:

Mangcha Thangzom – 8837368373 (Convenor)

V. Gouthianmuan - 9862086583 (Co-Convenor)

FINANCIAL SUPPORT

ITLF Joint Bank Account:

Name: Henkhopao Haokip & N. Vialkhanthang

Account No: 41912626404

IFSC: SBIN0064016 | Bank: SBI Salbung Branch